

GOJRI NEWS BULLETIN

24 JUNE 1700 HRS

ایونینگ گو جری نیوز بلیٹن مورخہ 24 جون 2025

یوہ آکا شوانی جموں ہے محمد اشفاق تے نصرت تیں خبر سنو۔

HEADLINES

- ۱۔ لیفٹیننٹ گورنر منوج سنہا نے کٹرا مانہ شری ماتا ویشنو دیوی شرائین بورڈ کی 75 ویں میٹنگ کی صدارت کی۔
- ۲۔ وزیر صحت سکینہ اتو غو کہنو ہے جے ایڈز گا مریضوں سنگ ہمدردی برتن غی لوڑ ہے تے اُن بارے منفی تعثر نانہ دور کرنو وے غو۔
- ۳۔ بنگامی صورتحال مانہ ظلم و ستم برداشت کرن آلا افراد نانہ خراج عقیدت پیش کرن خاطر پلک سمویدھان ہتھیہ دیوس منایو جے گو۔
- ۴۔ اچ سویرے ضلع راجوری مانہ جنگس چٹیاڑ گا مقام ور اک سڑک حادثہ مانہ 2 افراد کی موت تے 9 دوجا زخمی ہو گیا ہیں۔

LG SMVDSB MEETING

شری ماتا ویشنو دیوی شرائین بورڈ کی 75 ویں میٹنگ اچ مزبئی ترقی مرکز کٹرا مانہ منعقد ہوئی اس میٹنگ کی صدارت لیفٹیننٹ گورنر منوج سنہا نے کی جہیڑا کہ شرائین بورڈ گا چئیر مین وی ہیں اس اجلاس گیدوران یاتریاں گا آرام حفاظت تے مجموعی تجربہ مانہ باندو خاطر گجھ اہم فیصلہ لیا گیا ایل جی موصوف نے متعلقہ عہدے داران نانہ ہدایات جاری کی جے وے یاتریاں کی طبی امداد بھیڑ بھاڑ تے حادثات کی روک تھام نانہ یقینی بناویں۔

ITOO ICTC VANS

صحت تے طبی تعلیم کی وزیر سکینہ اتو نے ایچ آئی وی گا افراد بارے منفی تعثر نانہ دور کرن تے متاثرہ افراد واسطے معاونت برتن گا نقطہ نظر ور زور دتو ہے اُنہاں نے کہیو جے ان مریجاں سنگ ہمدردی سنگ پیش آن کی لوڑ ہے یوہ نہ صرف طبی امداد سنگ ہوسکے بلکہ مناسب مشورہ رہنمائی تے مجموعی امداد سنگ ممکن ہوسکے گو وے اچ سرینگر مانہ جموں کشمیر اینڈر کنٹرول سوسائٹی کی طرفوں ٹوری جارہی ایک وین نانہ جھنڈی دستاں مانہ بول رہی تھیں میڈیا سنگ گل کرتا واں سکینہ اتو نے اس طرح کہیو۔

SECY RDD

دبی ترقی محکمہ تے پنچائتی راج گا سیکرٹری محمد اعجاز اسد نے جموں کشمیر رورل لائیوٹی ڈی مشن غے تحت چل رہیا کماں کاجاں تے اُن گا نفاذ بارے ایک جائزہ میٹنگ کی صدارت کی اس میٹنگ مانہ مالی پیش رفت بھرتی ادارہ جاتی مضبوطی تے لکھ پتی دیدی فلیک شپ سکیم جیسا چایا قدماں گا نفاذ بارے وی توجہ دتی گئی۔ سیکرٹری موصوف نے دسیو جے اس مشن نے کامیابی سنگ 94 ہزار از خود مدد جیسا گروپاں نانہ تشکیل دتو ہے جہیڑا کہ 7 لکھ 55 ہزار دبی گھراں غو احاطو کریں قابل ذکر ہے جے جموں کشمیر کلیدی پہلوں مانہ سر فہرست ہے۔

POONCH PEOPLE PROJECT

پونچھ غی عوام نے تاریخی مغل سڑک ور 9 کلو میٹر طویل سرنگ غی منظوری دین ور وزیر اعظم نریندر مودی تے شاہراہ غا مرکزی وزیر نتن گڈکری غو دل تیں شکریو ادا کیو یوہ منصوبہ 3000 کروڑ روپیاں تیں زیادہ مالیت غو ہے تے خطہ غی بہتر رابطہ کاری تے ترقی غی جانب ایک برو قدم تسور کیو جارہیو ہے مقامی لوکاں نے اس فیصلہ نانہ پیر پنجال غی عوام خاص طور ور پونچھ ت راجوری جیسا سرحدی ضلاع مانہ رہن آلاں واسطے تاریخی تحفو قرار دتو۔ گجھ مقامی لوکاں نے اپنی خوشی گو اظہار کرتا واں اس طرح کہیو۔

PROG ANNOUNCEMENT

علاقائی خبراں آلو شعبو آکاشوانی جموں 26 جون 2025 نانہ بیروار آلے تہاڑے دوپہر 12 بجے منشیات گا استعمال تے غیر قانونی تسکری گے خلاف عالمی تہاڑا گا موقع ور ایک خصوصی پروگرام نشر کرے گو اس پروگرام مانہ مہارا مہمان جموں کشمیر تیں منشیات مخالف ایس ایس پی محمد نواز لحق تے جموں یونیورسٹی گا شعبہ نفسیات کی سابقہ سربراہ آرتی بخشی وین گی تے اس پروگرام کی میزبانی کریں غا مارا اینکر جگموہن شرما۔ یوہ پروگرام آکاشوانی جموں توں میڈیم ویو 303 میٹر یعنی 990 کلو ہٹز تے ایف ایم 100 اشاریہ 3 میگا ہٹز ور نشر کیو جے غو۔

SAMVIDHAN HATYA DIVAS

سمویدھان ہتھیہ دیوس پلک منایو جے غو یوہ دن 25 جون 1975 نانہ پیش آيو اُس واقعہ غی یاد دواوے جد بھارت غا آئین نانہ پامال کی وگیو تھو یوہ دن اُن تمام افراد نانہ خراک عقیدت پیش کرن غو موقعو ہے جنہاں نے ایمرجنسی غیدوران ظلم وستم برداشت کیو ایمرجنسی غو زمانو بھارت غی تاریخ غو سب تیں مشکل بھرو زمانو منیو جے گزشتہ سال حکومت نے 25 جون نانہ سمویدھان ہتھیہ دیوس غا طور ور منان غو اعلان کیو تھو۔

ACCIDENT

اج سویرے راجوری ضلع مانہ چنکس چٹیار گا مقام ور ایک سڑک حادثہ مانہ دو افراد کی موت واقع ہو گئی ہے جدکہ 9 افراد زخمی ہو گیا ہیں چٹیاڈ چنکس گے کول اج سویر ایک ٹیمپو تے ایک دوجی گڈی ٹا ٹا موبائیل سنگ جا ٹکرائی JK02AW-9030 گڈی جس گو اندراج نمبر دسیو گئیو ہے اس موقع ور حفاظتی دستاں نے موقع ور JK02CG-7011 جس گو اندراج نمبر پُچ غے بچاؤ کاروائی انجام دتی یاد رہ جے اس حادثہ مانہ مرن آلاں کی شناخت 26 سال کی انشا فاطمہ دُخیر اختر علی جہڑی گے دھنون کوٹ کی رہن آلی تھی تے 50 سال کی مرزانہ بیگم زوجہ محمد اقبال فتح پور کی رہن آلی گا طور ور کی گئی ہے تے اس موقعور تمام زخمیاں نانہ علاج معالجہ واسطے جی ایم سی راجوری منتقل کیو گئیو تھو جنہاں بچوں دو افراد نانہ جی ایم سی جموں منتقل کیو گئیو ہے مزید معلومات دینا واں ڈی سی راجوری ابھیشیک شرما نے اس طرح کہیو۔

PM MKB

وزیر اعظم نریندر مودی مُلک تے بیرون مُلک رہ ریا بھارتی شہریاں سنگ آئندہ 29 جون نانہ آکا ش وانی ور من کی بات پروگرام مانہ اپنا خیالات سانجہ کریں گایاہ ماہانہ ریڈیو پروگرام غی 123 ویں قسط وے غی۔ لوگ اپنا خیالات تے تجویز ٹول فری نمبر

1800117800 ور ڈائل کر غے روانہ کر سکیں۔ اس توں علا وہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 27 تاریخ توڑی ہی قابل قبول ویں گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انٹر مو بائل ایپ ور نشر تے ٹیلی کاسٹ کیو جائے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات غے فوراً بعد اس نانہ علا قائی زبانان مانہ وی نشر کرے گو۔

PLANTATION DRIVE

گورنمنٹ ڈگری کالج کشتواڑ غا شعبہ ماحولیاتی سائنس تے باٹنی ادارہ نے مشترکہ طور ور کالج کیمپس مانہ یورپی چسٹ نٹ غ ابوٹا لان غی مہم چلائی اس سرگرمی غی قیادت شعبہ باٹنی غا سربراہ تے پروفیسر ستیش ٹھاکر تے شعبہ ماحولیاتی سائنس غا سربراہ تے پروفیسر اجیت ٹھاکر نے کی یورپی چسٹ نٹ غو انتکاب اس غی ماحولیاتی معاشی تے ثقافتی فائداں غی بنیاد ور کیو گیو۔ اس پودا غی شجرکاری کالج غا حیاتیاتی تنوع تے پائیداد ترقی غا نظریہ غی نشان دہی کرے تانجے ماحول نانہ سرسبز و شاداب بنایو جاسکے۔ اس بارے مزید معلومات دیتا وں پروفیسر اجیت ٹھاکر نے اس طرح کہیو۔

KNOW YOUR POLICE

گورنمنٹ ڈگری کالج کشتواڑ غی این سی سی تے این ایس ایس یونٹ نے اپنی پولیس نانہ جانو غا عنوان تین ایک روزہ تعلیمی دورا غو انعقاد کیو یوہ دورو تھانہ کشتواڑ غو تھو جت طلبہ نانہ پولیس غا نظام نانہ قریب تیں سمجھن غو موقعو لبو۔ یوہ پروگرام ڈاکٹر تبسم سلیم تے پروفیسر اسرار ال ایوب غی رہنمائی مانہ کالج غا پرنسپل پروفیسر بشارت اقبال غی سرپرستی مانہ منعقد ہوو۔ اس دورہ غو مقصد طلبہ نانہ محکمہ پولیس غا کماں غا بارا مانہ براہ راست آگاہی فراہم کرنو تھو تے یوہ سمجھنو تھو پولیس سماج مانہ امن و قانون قائم رکھن واسطے کس طرح اپنو اہم کردار ادا کرے۔
